



Broj: 01-08-Gp-62/18
Sarajevo, 18.04.2018. godine

**PREDSJEDAVAJUĆI GRADSKOG VIJEĆA
GRADA SARAJEVO**

-ovdje-

PREDMET: Odgovor na postavljeno vijećničko pitanje Samir Fazlić, vijećnika u
Gradskom vijeću Grada Sarajevo
Veza Vaš akt broj: 01-GV-02-448-3/18 od 28.03.2018. godine
- DOSTAVLJA SE -

Na 14. sjednici Gradskog vijeća Grada Sarajevo, održanoj 28.03.2018. godine, vijećnik Samir Fazlić, postavio je vijećničko pitanje koje glasi:

„Budući da se u medijima već duže vrijeme pojavljuju natpisi o poništenju konkursa za zapošljavanje određenog broja službenika u Gradskoj upravi Grada Sarajevo, u vrijeme mandata gradonačelnika Komšića, a Gradsko vijeće, kroz Izvještaj Pravobranilaštva, o tome nije dobilo informaciju, potrebno je da Pravobranilaštvo Grada Sarajeva, za sljedeću sjednicu Gradskog vijeća, dostavi informaciju o ovom slučaju, odnosno procesu koji se odvija pred Sudom i traje već četiri godine, a koji su pokrenuli ljudi koji su aplicirali na, kasnije poništen konkurs.”

ODGOVOR

Predmetni sudski spor pokrenut po tužbi Grada Sarajevo protiv prvotuzenog Agencija za državnu službu FBiH i drugotuzenog Odbor državne službe za žalbe FBiH, u osnovi radni spor, elaboriran je kroz Izvještaje o radu Pravobranilaštva Grada Sarajevo za 2014., 2015., 2016. i 2017. godinu. Izvještajima za svaku godinu dat je pregled i presjek stanja sudskog predmeta, kao i aktivnosti koje je Pravobranilaštvo poduzimalo tokom tog konkrentog izvještajnog perioda. Također su pojedinačno prezentirani i ostali sudski sporovi proistekli u vezi osnovog (matičnog) spora, a po tužbama fizičkih lica učesnika u konkursnoj proceduri i to tužitelja Edis Ramović, Sanela Šorlija i Benjamin Isović.

U nastavku ovog Odgovora daje se prikaz navedenih sudskih sporova:

1.) Sudski parnični postupak, broj: 65 0 Rs369900 13 Rs od 14.08.2013. godine predstavlja Matični predmet. Pokrenut je po tužbi Grada Sarajevo radi poništenja raspisanog Javnog konkursa za prijem 12 državnih službenika u Gradskoj upravi putem Agencije za državnu službu FBiH od 05.12.2012. godine („Službene novine Federacije BiH“, broj: 104/12), te poništenja Mišljenja Agencije za državnu službu Federacije BiH, broj: 06-34-8-695/12 od 29.07.2013. godine o predloženoj Listi uspješnih kandidata koji bi trebali da zasnuju radni odnos po okončanoj konkursnoj proceduri.

Predmet je okončan na prvostepenom Sudu donošenjem Presude broj: 65 0 Rs 369900 13 Rs 10.12.2014. godine kojom je odbijena tužba Grada Sarajevo. Pravobranilaštvo Grada Sarajevo



uložilo je, dana 24.12.2014. godine, Žalbu na Presudu i predmet je trenutno u radu pred Kantonalnim sudom u Sarajevu.

U vezi ovog sudskog postupka Pravobranilaštvo je detaljno upoznao Gradsko vijeće u okviru Izvještaja o radu ovog organa za 2013. godinu, razmatranog i usvojenog na 12. sjednici Vijeća dana 26.03.2014. godine.

2.) Sudski parnični postupak, broj: 65 0 Rs 385659 13 Rs od 21.10.2013. godine TUŽITELJ : Edis Ramović. Prema Tužbenom zahtjevu, Tužitelj potražuje zasnivanje radnog odnosa, kao i isplatu plaća počev od 01.01.2013. godine sa zateznim kamatama, zajedno sa doprinosima za PIO, zdravstveno osiguranje, te naknadu troškova parničnog postupka. U konkretnom predmetu nastupio je prekid postupka do pravosnažnog okončanja matičnog predmeta zavedenog pod brojem: 65 0 Rs 369900 13 Rs (matičnog predmeta), kao prethodno pitanje shodno Rješenju 65 0 Rs 385659 13 Rs od 13.06.2014. godine.

3.) Sudski parnični postupak, broj: 65 0 Rs 397391 13 Rs od 16.12.2013. godine TUŽITELJ : Sanela Šorlija. Prema Tužbenom zahtjevu, Tužitelj traži zasnivanje radnog odnosa, kao i naknadu troškova parničnog postupka.

U konkretnom predmetu donešeno je Rješenje o prekidu postupka broj: 65 0 Rs 397391 13 Rs od 18.08.2014. godine do pravosnažnog okončanja matičnog predmeta zavedenog pod brojem: 65 0 Rs 369900 13 Rs (matičnog predmeta), kao prethodno pitanje.

4.) Sudski parnični postupak, broj: 65 0 Rs 418945 14 Rs od 17.03.2014. godine TUŽITELJ : Benjamin Iović. Prema Tužbenom zahtjevu, Tužitelj traži zasnivanje radnog odnosa, kao i isplatu plaća počev od 01.01.2014. godine sa zateznim kamatama, zajedno sa doprinosima za PIO, zdravstveno osiguranje, kao i naknadu troškova parničnog postupka. U konkretnom predmetu donešeno je Rješenje o prekidu postupka broj 65 0 Rs 418945 14 Rs od 12.03.2015. godine do pravosnažnog okončanja matičnog predmeta zavedenog pod brojem: 65 0 Rs 369900 13 Rs (matičnog predmeta), kao prethodno pitanje.

Po svim podnesenim Tužbama Pravobranilaštvo je poduzelo sve potrebne pravne korake, što uključuje dostavu Odgovora na tužbe, prisustvo pripremnim ročištima, te ročištima za glavnu raspravu i izjavljivanje pravnih lijekova.

U vezi ovog spora (matični predmet) može se reći da je izuzetno kompleksan, jer se radi o radno-pravnoj problematici kojeg dodatno usložnjava činjenica da je predmet istog prethodno provedena cjelokupna procedura po raspisanom Javnom konkursu vođenjem određenih postupaka izvan sudske nadležnosti po kojima su donesene konačne i izvršene odluke, a da je konačno postavljanje izabраних najuspješnijih kandidata sa Liste uspješnih odbijeno od strane tadašnjeg Gradonačelnika, kao inicijatora provođenja te konkursne procedure. U tom kontekstu poseban specifikum predstavlja i činjenica da je u periodu od raspisivanja Javnog konkursa, pa do odlučivanja o konačnom postavljanju kandidata sa Liste uspješnih na određena upražnjena radna mjesta u Gradskoj upravi, došlo do promjene nosilaca gradske vlasti. U smislu naprijed navedenog, tadašnji Gradonačelnik Grada Sarajevo Ivo Komšić odbio je okončati započeti proces prijema novih državnih službenika, prethodno odobren od strane ranijeg Gradonačelnika Alije Behmena, za što je dobio potporu i od strane novog saziva Gradskog vijeća, kao organa odlučivanja u Gradu Sarajevo, po osnovu posebno izglasanog Zaključka Vijeća o tome, te je zatražio od Agencije za državnu službu Federacije BiH obustavljanje cjelokupne konkursne procedure.

DOSTAVITI:

- Naslovu,
- U spis.

PRAVOBRANILAC GRADA SARAJEVO

Sanjin Smajlović, s.r.

